

全唐詩目 第三函

第一冊

○ 劉長卿 五卷

長沙程樹初校

全唐詩

劉長卿

劉長卿字文房河間人開元二十一年進士至德中爲監察御史以檢校祠部員外郎爲轉運使判官知淮南鄂岳轉運留後鄂岳觀察使吳仲孺誣奏貶潘州南邑尉會有爲之辯者除睦州司馬終隨州刺史以詩馳聲上元寶應間權德輿常謂爲五言長城皇甫湜亦云詩未有劉長卿一句已呼宋玉爲老兵其見重如此集十卷內詩九卷今編詩五卷

逢雪宿芙蓉山主人

日暮蒼山遠。天寒白屋貧。柴門聞犬吠。風雪夜歸人。

送張起崔載華之閩中

朝無寒士達。家在舊山貧。
相送天涯裏。憐君更遠人。
贈秦系徵君

羣公誰讓位。五柳獨知貧。
惆悵青山路。烟霞老此人。
秦系頃以家事護謗。因出舊山。每荷觀察崔公
見知。欲歸未遂。感其流寓。詩以贈之。

初迷武陵路。復出孟嘗門。
迴首江南岸。青山與舊恩。
夜中對雪贈秦系。時秦初與謝氏離婚。謝氏在
越。

月明花滿地。君自憶山陰。
誰遣因風起。紛紛亂此心。

湘妃

帝子不可見。秋風來暮思。嬋娟湘江月。千載空蛾眉。

斑竹

蒼梧千載後。斑竹對湘沅。欲識湘妃怨。枝枝滿淚痕。

春草宮懷古

君王不可見。芳草舊宮春。猶帶羅裙色。青青向楚人。

正朝覽鏡作

憔悴逢新歲。茅扉見舊春。朝來明鏡裏。不忍白頭人。

瓜洲道中送李端公南渡後歸揚州道中寄

片帆何處去。匹馬獨歸遲。惆悵江南北。青山欲暮時。

送張十八歸桐廬

歸人乘野艇。帶月過江村。正落寒潮水。相隨夜到門。

過白鶴觀尋岑秀不遇

不知方外客何事鎖空房應向桃源裏教他喚阮郎

聽彈琴

泠泠七

絲

一作弦

上靜聽松風寒古調雖自愛今人多不彈

遊南園偶見在陰牆下葵因以成詠

此地常無日青青獨在陰太陽偏不及非是未傾心

入百丈澗見桃花晚開

百丈深澗裏過時花欲妍應緣地勢下遂使春風偏

送子壻崔真甫李穆往揚州四首

渡口發梅花山中動泉脉蕪城春草生君作揚州客

半邏鶯滿樹新年人獨還落花逐流水共到茱萸灣

鴈還空渚在人去落潮翻臨水獨揮手殘陽歸掩門
狎鳥攜稚子釣魚終老身殷勤囑歸客莫話桃源人
寄龍山道士許法稜

悠悠白雲裏獨住青山客林下晝焚香桂花同寂寂
送方外上人

孤雲將野鶴豈向人間住莫買沃洲山時人已知處
送靈澈上人

蒼蒼竹林寺杳杳鐘聲晚荷笠帶夕陽青山獨歸遠
茱萸灣北答崔載華問

荒涼野店絕迢遞人烟遠蒼蒼古木中多是隋家苑
赴楚州次自田途中阻淺問張南史

楚城今近遠。積靄寒塘暮。水淺舟且遲。淮潮至何處。
江中對月

空洲夕烟歛。望月秋江裏。歷歷沙上人。月中孤渡水。

碧澗別墅喜皇甫侍御相訪

荒村帶返照。落葉亂紛紛。古路無行客。寒山獨見君。野
橋經雨斷。澗水向田分。不爲憐同病。何人到白雲。

初到碧澗招明契上人

漸老知身累。初寒曝背眠。白雲留永日。黃葉減餘年。援
護窗前樹。泉澆谷後田。沃洲能共隱。不用道林錢。

送少微上人遊天台

石橋人不到。獨往更迢迢。乞食山家少。尋鐘野路遙。松

門風自掃瀑布雪難消。秋夜聞清梵。餘音逐海潮。

却歸睦州至七里灘下作

南歸猶謫宦。獨上子陵灘。江樹臨洲晚。沙禽對水寒。山
開斜照在。石淺亂流難。惆悵梅花發。年年此地看。

對酒寄嚴維

陋一作頂巷喜陽和。衰顏對酒歌。嬾從華髮亂。任白雲多。
郡簡容垂釣。家貧學弄梭。門前七里瀨。早晚子陵過。

新年作

鄉心新歲切。天畔獨潛然。老至居人下。春歸在客先。嶺
猿同旦暮。江柳共風烟。已似長沙傳。從今又幾年。

朱放自杭州與故里相使君立碑回因以奉簡

吏部楊侍郎製文

片石羊公後。淒涼江水濱。好辭千古事。墮淚萬家人。鵬
集占書久。鸞回刻篆新。不堪相顧恨。文字日生塵。

送宣尊師醮畢歸越

吹簫江上晚。惆悵別茅君。踏火能飛雪。登一作吞刀一作山入白
雲。晨香長日在。夜磬滿山聞。揮手桐溪路。無情水亦分。

送裴使君赴荆南充行軍司馬

盛府南門寄。前程積水中。月明臨夏口。山晚望巴東。故
節辭江郡。寒笳發渚宮。漢川風景好。遙羨逐一作繼羊公。

送裴郎中貶吉州

亂軍交白刃。一騎出黃塵。漢節同歸闕。江帆共逐臣。援

愁岐路晚。梅作異方春。知己鄮侯在。應憐脫粟人。

酬皇甫侍御見寄時前相國姑臧公初臨郡

離別江南北。汀洲葉再黃。路遙雲共水。砧迴月如霜。歲
儉依仁政。年衰憶故鄉。佇看一作君宣室召。漢法倚張綱。

月下呈章秀才

八元

自古悲搖落。誰人柰此何。夜蜚偏傍枕。寒鳥數移柯。向
老三年謫。當秋百感多。一作無愁百口多家貧唯好月。空媿子猷
遇。

酬張夏

幾歲依窮海。頽年惜故陰。劍寒空有氣。松老欲無心。翫
雪勞相訪。看山正獨吟。孤舟且莫去。前路水雲深。

送李使君貶連州

獨過長沙去。誰憐此路愁。秋風散千騎。寒雨泊孤舟。賈
誼辭明主。蕭何識故侯。漢庭當自召。湘水但空流。

秋夜北山精舍觀體如師梵

焚香奏仙唄。向夕遍空山。清切兼秋遠。威儀對月閑。靜
分巖響荅。散逐海潮還。幸得風吹去。隨人到世間。

酬張夏雪夜赴州訪別途中苦寒作

扁舟乘興客。不憚苦寒行。晚暮相依分。江湖欲別情。一作江
湖
水聲冰下咽。砂路雪中平。舊劍鋒鋌盡。應嫌贈脫一作脫
胷

輕別有情

尋洪師尊不遇

古木無人地來尋羽客家道書堆玉案仙帔疊青霞鶴
老難知歲梅寒未作花山中不相見何處化丹砂

喜鮑禪師自龍山至

故居

一作山

何日下春草欲芊芊猶對山中月誰聽石上泉

援聲知後夜花發見流年杖錫閑來往無心到處禪

送方外上人之常州依蕭使君

宰臣思得度鷗鳥戀爲羣遠客迴飛錫空山臥白雲夕
陽孤艇去秋水兩溪分歸共臨川史同翻貝葉文

宿北山禪寺蘭若

上方鳴夕磬林下一僧還客行傳人少禪心對虎閑青
松臨古路白月滿寒山舊識窗前桂經霜更待一作得攀

赴新安別梁侍郎

新安君莫問。此路水雲深。
江海無行跡。孤舟何處尋。
青山空向淚。白月豈知心。
縱有餘生在。終傷老病侵。

江州留別薛六柳八二員外

江海相逢一作少。東南別處長。
獨行風嫋嫋。相去水茫茫。
白首辭同舍。青山背故鄉。
離心與潮信。每日到滬陽。

和州留別穆郎中

播遷悲遠道。搖落感衰容。
今日猶多難。何年更此逢。
世交黃葉散。鄉路白雲重。
明發看烟樹。唯聞江北鐘。

和州送人歸復郢

因家漢水曲。相送掩柴扉。
故郢生秋草。寒江澹落暉。
綠

林行客少赤壁住人稀獨過潯陽去潮歸人不歸

送金昌宗歸錢塘

新家浙江上獨泛落潮歸秋水照華髮涼風生褐衣柴
門嘶馬少藜杖拜人稀惟有陶潛柳蕭條對掩扉

酬張夏別後道中見寄

離羣方歲晏謫宦在天涯暮雪同行少寒潮欲上遲海
鷗知吏傲砂鶴一作鷺見人衰只畏生秋一作憶草西歸亦末期

新安奉送穆諭德歸朝賦得行字

九重宣室召萬里建溪行事直皇天在歸遲白髮生用
材身復起覩聖眼猶明離別寒江上潺湲若有情

偶然作

野寺長依止。田家或往還。老農開古地。夕鳥入寒山。書劍身同廢。烟霞吏共閑。豈能將白髮。扶杖出人間。

送州人

一作驛

孫沅自本州却歸句章新營所居

故里歸成客。新家去未安。詩書滿蠹舍。征稅及漁竿。火種山田薄。星居海島寒。憐君不得已。步步別離難。

送李員外使還蘇州兼呈前袁州李使君賦得長字袁州即員外之從兄

別離共成怨

一作誠
共怨

衰老更難忘。夜月留同舍。秋風在遠

鄉。朱絃徐向燭。白髮強臨觴。歸獻西陵作。誰知此路長。

酬李員外從崔錄事載華宿三河成先見寄

寒江鳴石瀨。歸客夜初分。人語空山答。猿聲獨戍聞。遲